



Na osnovu člana 53. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), te člana 108. i 121. Poslovnika Gradskog vijeća Grada Sarajeva, Gradsko vijeće Grada Sarajeva je, na Drugoj sjednici održanoj dana 02.06.2021. godine, donijelo sljedeći

ZAKLJUČAK

1. Nalaže se Gradonačelnici Grada Sarajeva da, u roku od 7 dana od dana donošenja ovog zaključka, stavi van snage Odluku o visini naknade i načinu plaćanja korištenja uređenih korita i obala vodotoka na području Grada Sarajeva za period do donošenja elaborata o vodotocima, odnosno do kraja 2021. godine („Službene novine Kantona Sarajevo“, broj 06/21), a u skladu sa odredbama člana 69. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i član 76. Statuta Grada Sarajeva.
2. Zadužuje se Gradonačelnica grada Sarajeva da, u roku od 7 dana od dana donošenja ovog zaključka, donese opći akt, u skladu sa članom 7. stav 2. Odluke o korištenju, održavanju, čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 02/07) kojim će, na prijedlog nadležne službe, biti utvrđena visina i način plaćanja naknada proisteklih iz ove odluke, s tim što je za davanje mogućnosti eventualnih umanjavanja visine utvrđenih naknada potrebna prethodna saglasnost Gradskog vijeća Grada Sarajeva.
3. Nalaže se Gradonačelnici Grada Sarajeva da, nakon donošenja općeg akta iz tačke 2. ovog zaključka, u skladu sa zakonom, Statutom i odlukom, donese nova rješenja svim pravnim licima koja koriste reklamne panoje, a u skladu sa Odlukom o korištenju, održavanju i čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 02/07) kao i novim općim aktom kojim će utvrditi visinu naknade i način plaćanja.
4. Gradsko vijeće Grada Sarajeva upozorava Gradsku upravu da, odluka kao opći pravni akt, je isključivo opći akt Gradskog vijeća u skladu sa Zakonom o organizaciji organa uprave u Federaciji Bosne i Hercegovine i Statutom Grada Sarajeva, te da Gradonačelnik ne može donositi odluke kao opći akt.
5. Zadužuje se Sekretar organa Gradske uprave da Gradskom vijeću Grada Sarajeva dostavi spisak svih donesenih odluka kao općih akata koje je donio gradonačelnik Grada Sarajeva, a koje su na snazi.
6. Zadužuje se Sekretar organa Gradske uprave da dostavi spisak svih odluka koje je donijelo Gradsko vijeće Grada Sarajeva, a koje su dale mogućnost donošenja odluka kao općih akata Gradonačelniku, kako bi Gradsko vijeće usvojilo izmjene tih odluka i iste uskladilo sa Statutom Grada Sarajeva.



7. Zadužuje se Gradonačelnica Grada Sarajeva da svim pravnim licima koja imaju dugovanja prema Gradu Sarajevu iskazana u Informaciji o izdavanju reklamnih površina na osnovu Odluke o korištenju, održavanju, čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 02/07), na način i u propisanom postupku i proceduri, ponudi sporazum o izmirenju dugovanja.

8. Zadužuje se Gradonačelnica Grada Sarajeva da, počev od 01.01.2022. godine kao propisani uslov za dobivanje u zakup reklamnog panoa u skladu sa Odlukom o korištenju, održavanju, čuvanju uređenih korita i obala vodotoka na području Grada Sarajeva („Službene novine Kantona Sarajevo“, broj 02/07), bude činjenica da pravno lice nema dugovanja po ovom osnovu prema Gradu Sarajevu, odnosno ukoliko ima dugovanje da ista redovno izmiruje u skladu sa Sporazumom o izmirenju dugovanja i po dinamici kako je to Sporazumom regulisano.

PREDSJEDAVAJUĆI GRADSKOG VIJEĆA

Jasmin Ademović, s.r.

Broj: 01-GV-02-581-1/21
Sarajevo, 02.06.2021. godine